

Oahppigirjjáš

2023-2024



Váldde oktavuoda

Tlf: 78469600

Šleađgapoasta: post@sami.vgs.no

Čujuhus: Niitonjárgeaidnu 28-30, 9730 Kárášjohka

Poastačujuhus: Postboks 113, 9735 Kárášjohka

Anolaš neahttasiiddut:

**Microsoft
Teams**

Oahpahušláhka
<http://www.lovdatab.no/all/nl-199807-061.html>

**Viibamat ja
árvosánit:**
Visma inSchool

Ruovttusiidu
www.sami.vgs.no

Facebook
<https://www.facebook.com/svskarasjok/>

Instagram
[samiskvgs_karasjok](https://www.instagram.com/samiskvgs_karasjok/)

Bures boahthin Sámi joatkkaskuvlla oahppin



Skuvlla bealis sávan dutnje váimmolaš bures boahthin Sámi joatkkaskuvlla oahppin ja doaivvun ahte loavttát bures sihke fágalaččat ja sosiálalaččat.

Mángasat dis geat álgibehtet midjiide oahppin, oažžubehtet ođđa fágaid, ođđa gáibádusaid ja ođđa hástalusaid. Seammás deaivvat ollu ođđa olbmuid, sihke mielohppiid ja oahpaheddjiid. Mii leat danne čohkken dutnje muhtun dieđuid dán oahppigirjjáži. Jus oahppigirjjážiis it gávnna daid dieđuid maid dárbbášat, de sáhtát ringestit skuvlii ja jearrat. Skuvlla bargit leat dáppe veahkehan dihtii du.

Mis lea stuorra, vuogas visti ja ođđaáigásaš rusttegat. Kantiidna, duodjelatnja ja skuvla-bibliotehka leat dehálaččat loaktimii. Oahppit geat loktet bures ja leat oadjebasat, ohppet buorebut. Skuvllas leat danne ollu loaktin-doaimmat. Mii áigut e.e. joatkit nuoraid-fitnodagain fidnofágaid vuosttas luohkáin ja medias ja gulahallamis, ja maiddá dujiin dearvasvuodafágaid luohkáin. Muđuid galgá sámi árbevirolaš máhttu leat oassin buot skuvlla fágain.

Maiddái astoaigedoaimmat leat dehálaččat loaktimii. Oahppit galget ieža beassat ovttrasrádiid birasbargiin mearridit makkár fálaldagat skuvllas galget eahkediid. Ovdamearkan leat iešgudetlágan kurssat, tuvrrat, ohppiideahkedat ja valástallangilvvut.

Dutnje gii boadát eará guovllus, lea skuvllas oiddolaš verdebearašortnet ja dalle beasat orrut bearraša luhtte geat fuolahit du.

Skuvla addá sierra ortnega bokte doarjaga vuosttas luohká ohppiide oastit čibbedihtora. Lea sierra čálus dán ortnega birra.

Loahpas lohpidan ahte mii buohkat Sámi joatkkaskuvllas áigut dahkat buot maid sáhttit vai don loavttášiit ja lihkuvuvašiit fágalaččat min luhtte.

Lihkku skuvlajagiin ja skuvlabargguiguin!

Dearvuodaiguin
Susann Røkke
rektor

Skuvlla erenoamášvuodát

Min skuvla lea sámi joatkkaskuvla man stáhta eaiggáda. Skuvla addá dutnje gelbbolašvuoda orrut ja bargat sihke sámi, dáru ja riikkaidgaskasaš servodagas. Skuvla lea guovttagielat. Buohkat jodihangottis hállet sihke sámeigiela ja dárogiela, ja seamma guoská eanaš oahpaheddjiide. Oktasaš doaluin geavahuvvo sihke sámeigiela ja dárogiela.

Birrasii 65 % skuvlla ohppiin lea sámeigiela vuosttasiellan. Earáin lea sámeigiela nubbegiellan iešgudet dásiin. Muhtun fágain leat luohkát juhkkojuvvon guovtti jovkui main lea goabbatge oahpahusgiela, sámeigiela ja dárogiela. Ovttaskas oahppi bagadallan addo buot luohkáin oahppi eatnigiillii.

Skuvllas lea dus sámeigiela fágan. Jus it máhte sámeigiela, fertet lohkat sámeigiela nubbegiellan vuolimus dásis. Eanaš fágain mat dus galget leat, lea sámi sisdoallu. Min skuvla lea okta dain moatti skuvllain mat fáallet prográmmafága Sámi historjá ja Servodat. Mis leat dasa lassin iešgudetlágan prošeavttat, doalut ja beaivemátkkit main lea sámeigiela ja kultuvra guovddázis. Skuvla lea rabas guokte eahkeda vahkus, ja dalle sáhtát omd. oahppat duddjot dahje ráhkadit sámi biepmuid. Maiddái valáštallanhálla lea rabas dalle.

Don gii leat sámeigielat, beasat oahppat eambo iežat kultuvrra birra. Don gii leat dárogielat itge dovdda sámi kultuvrra oáččut vejolašvuoda oahpásmuvvat gelddolaš kultuvrrain. Mis leat ee. fáddávahkut ja -beaivvit goas bargat iešgudetlágan sámi fáttáin.

Dutnje sáhttá leat ávkkálaš dál jo diehtit ahte mii geiget guokte giellabálkkašumi skuvlajagi loahpas. Nubbi addo oahppái geas lea sámeigiela vuosttasiellan, ja nubbi fas oahppái geas lea sámeigiela nubbegiellan dahje

amasgiellan. Bálkkašumiid vuorit fertejtit leat čájehan erenoamáš beroštumi geavahit sámeigiela ja aktiivvalaččat searvan sámi identitehta, giela ja kultuvrra ovddideapmái.

Min skuvla šattai jagi 2022:s WINHEC Organisašuvnna miellahttun, World Indigenous Nations Higher Education Consortium. WINHEC bargá álgoálbmo-giid vuoŋŋalaš oskku, kultuvrra ja giela suodjalemiin ja nannemiin oahpahusa bokte. Miellahttuvuohta lea kvalitehtasteampal ja addojuvvo dušše skuvllaide, mat devdet WINHEC álgoálbmotskuvllaid gáibádu-said. Dus lea oahppin vejolašvuohta čatnat oktavuodaid eará álgoálbmotnuoraiguin ja oahppat eará álgoálbmotkultuvrraid birra ee. searvat WINHEC čoaŋganemiide. Skuvla sádde 4 ovddasteaddji, 2 oahppi ja 2 oahpaheaddji, jahkásaš doaluide. Vuolábealde oainnát govva skuvlla delegašuvnnas jahkečoahkkimii 2022 Minnesotas, gos maiddái 2 skuvlajodiheaddji oassálaste.



Praktihkalaš dieđut

Fágabeaivvit

Fágabeaivvit Fágabeaivvit leat juohke bearjadaga. Fágabeivviid barggat ovttain fágain olles beaivvi. Lea molsašuddi galle fágabeaivvi oaččut juohke fágas, muhto oktiibuot oaččut rievttis lohkomeari diimmuin skuvlajagis.

Oahpponeavvut

Skuvlla álggadettiin oaččut luokkasin eanaš oahppogirjjiid skuvlajirjerádjosis. Girjerádjosis gávnojit girjelisttat buot luohkáid várás. Eará dárbbaslaš dávviriid nugo suodjegárvvuid, kalkuláhtora, sátnegirjjiid ja čállingirjjiid fertet ieš háhkat. Buot ohppiin, geat álget Jo Iii, ferte leat kalkuláhtor. Skuvla lea diŋgon buori kalkuláhtoriid maid sáhtát oastit hálbái.

Dihtor

Buot jo1- oahppiin galgá leat dihtor mielde vuosttaš skuvlabeaivvi rájes. Sámi joatkkaskuvla Kárášjohka subsidiere dihtoroastima ohppiide geat álget jo1. Eaktu da lea ahte oastát dihtora min neahttauvssoha bokte. Dihtora fertet diŋgot ovdal borgemánu 8.b, vai fitnet dan skuvllaálgimii. Dán birra oaččot eambo dieđuid sierra čállošis. **FUOM!** Tevdnenprográmmat mat geavahuvvojit TIPas ja Huksenfágas eai doaimma Mac mašiinnas.

Stipeanda ja loatna

Dan sáhtát bargat www.vigo.no bokte (muitte rádjat bures VIGO čiegussáni!) dahje www.lanekassen.no. Seammás go oaččut skuvlasaji, de berret ohcat stipeanda/loana www.lanekassen.no. De leat ruđat go skuvla álgá. Jus vuorddát sáddemis ohcama skuvlajagi álgui, de sáhtta vuordináigi leat birrasiid 5-6 vahku. Buot vuogatvuodoaohppit sáhttet ohcat reaidduid ja oahpponeavvostipeanda (utstyrstipend). Buohkat geat dan ohcet, ožžot stipeanda. Jus dárbbahat eambo dieđuid, fina neahttasiiddus: www.lanekassen.no

Eará stipeanddat maid sáhtát ohcat leat:

Sámedikki giellamovttiidahtinstipeanda. Ohcanáigemearri láve leat njukčamánu.

Lohkanbeaivvit

Don sáhtát ohcat 12 lohkanbeaivvi, 6 termiidnii. 3 lohkanbeaivvi goappát termiidnii lea várrejuvvon ealáhus- ja árbevirolaš bargguide. Don ozat sierra skoviin man oaččut skuvllas, ja galggaht unnimusat vahku ovdal ohcat. Lea gulahallanoahpaheaddji guhte loahpalaččat meannuda ohcama.

Dáhkádus

Go leat skuvllas, bargohárjehallamis dahje skuvlamátkkis maid skuvla lágida, de lea dus lihkuhisvuoda dáhkádus. Fuomáš ahte skuvllas ii leat ovddasvástádus jus don iežat dávviriid massát skuvllas, skuvlahárjehallamis dahje skuvlamátkkiin.

Ohppiid sáhtosteampi

Buohkat geat dárbbasit skuvlasáhtu fertejit dan ohcat. Dan fertet dahkat <https://skoleskys.snelandia.no> neahttasiiddus. Galgá leat unnimusat 6 km ruovttus skuvlii vai oaččut nuvttá skuvlasáhtu, dahje mediisiinnalaš ákkat. Don sáhtát lohkat eambo dán birra namuhuvvon neahttasiiddus.

Skuvla ja ruovttu oktavuoha

Skuvla fievrriida jávkama, sikhkalašvuoda ja meanu mearkkašumiid Visma inSchoolii. Skuvla maid váldá oktavuoda ruovttuin jus oahppi jávká olu skuvllas. Fuomáš! Válldálaš ohppiid váhnemat/ovddasteaddjit eai oaččo dieđuid skuvllas ohppiid birra. Jus oahppi čálalaččat suovvá, de sáhttet válldálaš oahppi váhnemat ge oazžut dieđuid seamma láhkái go agivuloš ohppiid váhnemat.

Gaskavahku borgemánu 16. beaivvi 2023, lea čoahttin olggobeale ássiid ohppiide ja váhnemiidda dii. 18.00 Sámi joatkkaskuvllas. Mii guossohat láibbážiid, káfe/kakáo/teaža.



Govvageavaheapmi

Skuvlla váccedettiin sáhtttá muhtumin šaddat dárbu atnit govaid ohppiin/ohppiidjoavkkuin oahpahusdiliin. Go skuvla álgá de galggat vuolláicáallit čállosa jus suovat geavahit iežat govaid skuvlla oktavuodas.

Dieđut ja boasta ohppiide

Galggat geahčastallat digitála diehtotávvalis dieđuid, kantiinnas ja váldouvssa luhtte ja Teamsas. Dain oáččot dehálaš dieđuid mat gusket du skuvlaárgabeaivái.

Ovdakantuvra

Doppe barget Trine, Ravna, Anne ja Lásse. Hála singuin orrunsaajiid, sáhtostemiid, loanaid, stipeanddaid jna. birra. Mudui sii veahkehit din nu bures go sáhttet.

Bassit/Viessohoaiddárat

Skuvla basso beaivet skuvlaáiggis. Dat vurdojuvvo ahte veahkehat skuvlla doallat čorgadin go bijat doabbariid doapparlihtiide, čorget bargosaját ja luohkkálatnjasat. Viessohoaiddáriid latnjanummar lea 108.

Duhpáhastin/Snuvssen

Skuvlavisttis ja skuvlabirrasis ii leat lohpi duhpáhastit/snuvssat. Dát guoská el-sigarehtaide maid.

Mobiilatelefovndna

Lea mobiilatelefovndna gielddus tiimmuin, earret dalle go lea šihhton oahpaheaddjin.



Skuvlabeaivi ja dán jagáš skuvlaruvto



Skuvlabeaivi

Skuvlabeaivi álgá dii 08.30.
 Vuossárggaid ja manjebárggaid
 nohká skuvla dii.15.40.
 Gaskavahkuid gerget oahppit dii.
 14.55, duorastagaid dii.13.55 ja
 bearjadagaid dii.14.30.

Skuvla- diibmu	Diibmu
1	08.30-09.15
2	09.20-10.05
3	10.20-11.05
4	11.10-11.55
5	12.20-13.05
6	13.10-13.55
7	14.05-14.50
8	14.55-15.40

Skuvlaruvtto

Mánnu	Aktivitehta	Dáhton
Borgemánnu	Vuosttaš skuvlabeaivi	Duorastat 17.08.23
Čakčamánnu	Čakčaluopmu 1	Vuossárga 25.09.23 – Bearjadat 29.09.23
Čakčamánnu	Oahpaheddjiid 4. plánenbeaivi Čakčaluopmu 2	Vuossárga 20.11.23 – Manjebárga 21.11.23
Juovlamánnu	Manjimuš skuvlabeaivi ovdal juovlaluomu	Gaskavahkku 19.12.23
Ođđajagimánnu	Vuosttaš skuvlabeaivi manjil juovlaluomu	Gaskavahkku 03.01.24
Guovvamánnu/ Njukčamánnu	Dálveluopmu	Duorastat 29.02.24 – Bearjadat 01.03.24
Njukčamánnu/ Cuonómánnu	Beassášluopmu	Vuossárggas 25.03.24 – Manjebárga 01.04.24
Cuonómánnu/ Miessemánnu	Gidđaluopmu	Vuossárga 29.04.24 – Gaskavahkku 01.05.24
Miessemánnu	Helloduorastat Oahpaheddjiid 5. plánenbeaivi	Duorastat 09.05.24 – Bearjadat 10.05.24
	Norgga násunálabeaivi 2. Hellodatbeaivi	Bearjadat 17.05.24 – Vuossárga 20.05.24
Geassemánnu	Manjimuš skuvlabeaivi	Bearjadat 21.06.24

Ohppiide čálgofálaldagat

Kantiidna

Mis leat iešguđetlágan borramušat skuvlla kantiinnas. Skuvla subsidiere kantiinna doallama vai borramuš šaddá veaháš hálbibuš. Oahppit galget čorget iežaset manjs go leat boradan.

Ohppiid orrunsajit/ Verddebearašortnet

Skuvla sáhtta veahkehit ohcat orrunsaji. Mis lea verddebearašortnet olggobeale ássi ohppiide man bokte oázžu doarjaga viessoláigui.

**Váldde oktavuodá birasbargiin,
tlf 47786798, dahje ovdakantuvrrain
tlf 784 69600 dahje post@sami.vgs.no,
jus dárbbášat veahki gávdnat orrunsaji.**

Eahketdoaimmat

Valášállanhállá lea rabas skuvlla ohppiide mannebárggaid ja duorastagaid, eambo dieđut bohtet čakčat. Dađistaga biddjojit eambo doaimmat johtui ohppiid beroštumiid mielde. Kárášjoga nuoraidklubbas lea várrejuvnon okta eahket vahkkui joatkkaskuvlla ohppiide.

Skuvlagirjerájus

Girjerádjosis sáhtát luoikkahit oahppogirjjiid ja eará girjjiid, lohkat áigečállagiid ja áviissaid, geavahit interneahhta, mánget ja doppe leat maid joavkobargosajit. Girjerádjosis lea maid sierra jaskes lohkanlatnja. Fertet iežat dieđihit geavaheaddjin skuvlla álggadettiin, vai oáččut luoikkahan/id-koartta.

Girjeskáhppa

Oáččut girjeskáhppa seammás go skuvlagirjjiid fidnet. Don fertet ieš oastit heanjalohka mainna lohkkadat skáhppa.



Ovddasvástádussuorggit

Gulahallanoahpaheaddji

Gulahallanoahpaheaddji lea dehálaš olmmoš dutnje. Son lea du/váhnemiid ja skuvlla gaskaolmmoš. Gulahallanoahpaheaddjis lea váldoovddasvástádus olles luohkkájovkui ja ovttaskas oahppái, ja galgá rávvet ja bagadit du ja dovdiidahttit láhkamearrádusaid, láhkaásahusaid ja njuolggadusaid mat dutnje erenoamážit gusket.

Luohkkáteama

Luohkkáteamas leat gulahallanoahpaheaddji/gulahallanoahpaheaddjit ja okta dahje guokte eará fágaoahpaheaddji. Sii ovddasvástidit luohká beaivválaš barggus. Ovttasrádiid luohkái ja erenoamážit luohkái lea sis ovddasvástádus ráhkadit luohkkái

jahkeplána, bargat luohkkábirrasiin ja ráhkkanit mátkkiide.

Neavvu

Neavvu sáhttá čuovvulit du vai don sajáiduvat skuvlii. Neavvu fállá maid dutnje diehtujuohkima ja bagadallama vai don galggat oahppat veardidit makkár oahpput ja fidnut dutnje heivejit. Neavvus lea jávohisvuoda-geatnegasvuolta.

Birasbargi

Birasbargi bargá skuvlla ohppiidberrasis ja galgá leat rávisolmmoš geainna oahppit sáhttet ságastallat. Birasbarggut galget erenoamážit leat daid ohppiid várás guđet orrot ásodagas.

Gulahallanoahpaheaddjit ja luohkkáteamat:

1O Oahppospecialiseren Jo1 1MK Mediat ja gulahallan Studeremii ráhkkanahhti Jo1	Gulahallanoahpaheaddji: Frid Tellefsen Svineng Teama: Laila Sara Hegge, Ann Kristine Balto ja Anne Marit Eira
2O Oahppospecialiseren Jo2 2MK Mediat ja gulahallan Studeremii ráhkkanahhti Jo1	Gulahallanoahpaheaddji: Inger Johanne Revheim Teama: Berit Marie Lise Eira, Risten Elle Sara ja Fedra Brkan
3O Oahppospecialiseren Jo3 3MK Mediat ja gulahallan Studeremii ráhkkanahhti Jo3	Gulahallanoahpaheaddji: Margrethe Sakshaug Teama: Sammøl Jovnna Nystad, Kathrine Stephansen ja Emily Siopan
3L Oppalaš studerengelbbolašvuoda lasáhus Jo3	Gulahallanoahpaheaddji: Randi Nystad Teama: Eva Solbakken ja Aimo West
1D Dearvvašvuoda- ja bajásšaddan fága Jo1 2D Dearvvašvuodabarggu suorgi Jo2	Gulahallanoahpaheaddji: Leikny Balto Haugli Teama: Ingrid Larsen ja Nina Ødegaard
1T Teknihkka ja industrijabuvtta-deapmi Jo1 2T Industrijateknologia Jo2	Gulahallanoahpaheaddji: Roy Tommy Fagerheim Teama: Jan Inge Paulsen ja Laila Kathrine Holmestrand
1HU Huksen- ja ráhkadusteknihkka Jo1 2HU Huksenteknihkka Jo2	Gulahallanoahpaheaddji: Leif Anti Teama: John Arne Dahl ja Marika Seilonen
2A Ambulánsafága Jo2	Gulahallanoahpaheaddji: Mai Rita H.Hansen Teama: Dag Nedrejord ja Randi Breivik
Gáiddusoahpaheaddjit	Teama: Signe Helander, Janna Balto og Jørn Mikael Eriksen Engstad, Anni Østby, Raisa M Bær, Kohji Ohhasi, Máret Elle Amundsen ja Lena Haddal
Erenoamášoahpahus	Teama: Kåre Solbakken, Jan Arne Næss, Mary Stueng, Toril Guttorm, Mary Stueng, Ingeborg S. Hansen ja Karen Marit Anti

Bargit geaid don berret diehtit geat leat



Rektor lea Susann Røkke. Sus lea ovddasvástádus olles skuvlla jodiheamis. Son bargá erenoamážit áššiiguin mat gusket skuvlálavdegoddái, Sámi joatkkaskuvllaid stivrii, departementii ja bargoveagahovdemii. Son álgá rektorin 01.10.23.



Oahpahusinspektevra I lea Trygve Guttorm. Sus lea ovddasvástádus buot diliin mat gusket oahppi oahpahusa goziheapmái, omd. skuvlaviiban (jávkan), skihkalaš-vuohta ja disipliinna, árvosánit ja eksámenat. Son bidjá tiibmaplánaid ja blohkkabeivviid. Son lea doaibmi rektor dassá go odđa rektor álgá bargui.



Oahpahusinspektevra II lea Inger Lisbeth Persen. Son lágida sadjásaččaid jus oahpaheaddjit leat eret ja diediha ja juohká ohppiide bargguid. Luohká luohttevašoahppi dahje fágajovkkoža luohttevašoahppi galgá sutnje diedihit jus geavvá nu ahte oahpaheaddji jávká ovdagihtii dieditkeahtá oahpahasas. Son goziha maid skuvlavistti ja oahpahusreaidduid.



Oahppobearráigeahčči lea Mette Anti Gaup. Son galgá earret eará du veahkehit vai oččošit dárbbaslaš fágaid ja diimmuid fidnoohppui ja viidáset ohppui. Jus dáhtut lonuhit dahje heaitit muhtin fágain, de fertet vuos suinna háleštit. Sus lea maid ovddasvástádus erenoamášoahpahasas ja skuvlla sisaváldimis.



Kursainspektevra lea Anna Ravna Gaup. Sus lea ovddasvástádus ovddidit ja fállat sámegeiela gáiddusoahpahusa ohppiide guđet eai oaččo dan iežaset skuvllas. Sus lea maid ovddasvástádus eará kurssain maid skuvla vuovdá.



Dihtor ovddasvástideaddji lea Arnfinn Anti. Son lea dihtorovddasvástideaddji buot IKT geavaheamis skuvllas, sihke oahpahasas ja hálddahasas. Sutnje maid gullet čiegussánit ja geavaheaddjinamat.



Neavvu lea Laila Sara Hegge. Son galgá neavvut du ámmátválljemis, skuvlavázzin váttisvuodain ja ráđdet du persovnnalaš áššiin.



Birasbargi lea Lisbeth Johnskareng. Son bargá oahppibirrasis skuvllas, ja lea dat ollesolmmoš geainna sáhtát hállat vaikko man birra. Birasbargi galgá erenoamážit gozihit ohppiid geat leat ruovttus šaddan fárret skuvlla geažil. Su bargui gullá maid eahket rabasskuvla.



PP-neavvu lea Randi Nystad. Son galgá koordineret erenoamášoahpahusa ja neavvut ohppiid, váhnemiid/ovddasteddjiid ja pedagogaš bargiid mo oahpahusa lámčit.



Skuvlagirjerádjosa bargi lea Nina Ødegaard. Sus oaččut oahppo-girjjiid. Son maid veahkeha du gávdnat dieđuid go leat bargamin skuvlabargguiguin.

Ávkkálaš dieđut

Du vuoigatvuođat

- oažžut dan oahpu masa dus lea vuoigatvuohta oahppoplána mielde
- árvoštallojuvvot
- oažžut duodaštusa ahte oahpu leat čadahan
- váidalit jáhke- ja eksamenárvosániid
- Meannuduvvot ávdalaččat ja vuoiggalaččat
- vázzit skuvllas gos it givssiduvvo
- oažžut veahkkediimmuid/erenomáš-oahpahusa jus don leaččat mangle láhkaid doaimmahehttejuvvon dahje dus leat duodaštuvvon oahppanválttisvuođat
- sihtat láchččojuvvon oahpahusa jus dus leaš bissovaš dávda, erenomáš ovdasmoraš-doaimmat dahje eará erenomáš dilit
- oažžut čálalaš dieđu dakkaviđe go váruhuvvo ahte:
 - ii leat vuodđu bidjat oahppobajeárvosániid dahje loahpalaš árvosániid
 - oaččut fuonit árvosániid skihkalašvuođas ja meanus
- Gitta 10 beaivvi skuvllas jávkat muhtin dilálašvuodain, fievrretkeahtá dán jávkama duodaštussii
- oažžut neavvuma sihke sosiálapedagogalaš jearaldagaide ja fidno- ja oahppoválljemii.

Du geatnegasvuođat

- boahit oahpahussii ja searvat aktiivvalaččat
- vuostáiváldit dieđuid ja bagadeami
- čuovvut oahpahusa buot fágain dan kurssas mas váccát
- searvat molssaevttolaš skuvlabeivviide, mátkbeivviide, skuvlateáhterii, proševttaide jna.
- áiggil boahit ja leat ráhkkanan oahpahussii
- searvat oahpahussii aktiivvalaččat ja skuvlabargguid buktit vai oahpaheaddjis lea dus árvoštallanvuodđu
- earáiguin ovttasbargat vai šattašii buorre bargobiras
- láhttet olmmošvirolaččat ja deasttalaččat
- doalahit buori ortnetvuoda sihke skuvlla siste ja olggobealde
- dieđihit jus dieđat ahte viibbat oahpahusas ja čuovvut mielde iežat jávkama
- čuovvut skuvlamearrádušaid. Daid gávnnat Teamsas.



Árvvoštallan

Oahpaheaddjit čuvvot du ovdáneami ja addet ruovttoluotta dieđuid main don galggašit oahppat. Oahpaheaddji dieđiha jus du jávkan mielddisbukta ahte ii leat vuodđu bidjat árvosáni jahkebealárvoštallama dahje jahkeárvoštallama oktavuodas. Dutnje addo vejolašvuohta dán dili njulget.

Árvvoštallan dilis lea dus vuoigatvuohta:

- beassat diehtit oahpahusa mihttomeriid
- oažžut diehtit mii deattuhuvvo go árvvoštallot
- oažžut árvvoštallot iežat gelbbolašvuoda gaskan lohkanbaji
- oažžut dihtosii maid fertet máhttit vai šattat čeahpit fágas
- árvvoštallat iežat gealbbu, barggu ja fágalaš ovdáneami
- háleštit du gulahallanoahpaheddjiin dahje eará luohkkáteama lahtuin fágalaš ovdáneami birra uhcimusat oktii jahkebeallái

- oažžut jahkebealárvoštallama árvosániiguin čilgehusaiguin du gealbbu fágain ja mas bagadallot mo gealbbu buoridat.
- Ságastallat fágaoahpaheddjiin fágalaš ovdáneami birra

Jávkan badjel 10% maid it sáhte duodaštit sáhtta dagahit ahte it oáččo árvvoštallama. Váilevaš oasálastin plánejuvvon árvvoštallan-dilálašvuodain sáhtta dagahit ahte it oáččo árvvoštallama ovtta fágas.

Jávkan ja árvvoštallama vuodđu

Buot jávkan fievrriduvvo loahppaduodaš-tussii. Gitta 10 beavvi rádjái, sáhtta jávkan dearvvašvuoda, luohttámuš doaimmaid, politiikkalaš doaimmaid, veahkkebargguid, láhkageatnegas čoačkkimiid ja našuvnnalaš ja riikkaidgaskasaš ovddastusaid geažil sihkkovuvvot. Eambo sáhtat lohkat \$3.47 oahpahuslága láhkalasáhusas. Dakkár jávkama ferte oahppi duodaštit.



Eksámen – eksámenárvosátni

Skuvlajagi loahpas soaittát šaddat eksámenii, njálmmálaččat dahje/ja čálalaččat. Árvosátni maid oáččut eksámenis čállo álo loahppaduodaštussii oktan loahppaárvosániin. Jus oáččut IV muhtin fágas, de sihkkojuvvo vejolaš eksámenárvosátni. Jus it ceavzze eksámena, de it leat ceavzán fágas vaiкке leatge ožžon loahppaárvosáni. Jus ceavzzát eksámena, muhto it leat ceavzán loahppaárvosáni, de leat ceavzán fága.

Fuomáš ahte jus heaittát muhtin oahpposuorgefágain 2. lohkanbajis, de it oáččo dievaslaš duodaštusa jus gessot eksámenii dan fágas mas heitet.

Ođđa/Manjiduvvon eksámen

Jus oáččut 1 loahppaárvosátnin dahje eksámenii, de lea dus vuoigatvuohta ođđa eksámenii vuosttas háve go lea eksámen. Jus leaš duodaštuvvon lobálaš jávkan dábálaš eksámenii, de lea dus vuoigatvuohta manjiduvvon eksámenii. Don fertet ieš váldit oktavuođa Inspektevra I dakkavide maŋŋil skuvlaálgima.

Go áigutt árvosániid váidalit

Oahppin lea dus vuoigatvuohta váidalit loahppaárvosániid ja eksámenárvosániid. Oáččut sierra dieđuid dán váidaleami birra. Váidaleapmi diedihuvvo čálalaččat rektorii.

Don berret hállat fágaoahpaheddjiin ovdal vai son sáhttá du neavvut. (Geahča Oahpahuslága §5)



Oahppidemokratiija

Ohppiidráđđi

Ohppiid oktasašorgána skuvllas, mas leat mielde okta luohttámušoahppi juohke luohkás. Ohppiidráđđi bargá áššiiguin maid oahppit ieža ovddidit ja maid rektor dahje skuvlalávdegoddi sádde meannudeapmái. Čoahkkimat leat čoahkkindiimmus. Oahppiráđis leat maidái ruđat/várit maid sáhtta atnit oahppidoaimmaide.

Oahppiorganisašuvdna

Ohppiid iežaset fuollaorganisašuvdna.

Skuvlalávdegoddi

Skuvlalávdegottis leat bargit ja oahppit, ja lea ráđdeaddiorgána rektorii.

Skuvlabiraslávdegoddi

Galgá skuvllii addit ráđiid skuvlabirrasa ektui. Lávdegoddi sáhtta maid bivdit skuvlla buoridit fysalaš ja psykososiála birrasa. Skuvlalávdegottis galget leat eanetlogus.

Sámi joatkkaskuvllaid stivra

Dan guovtti sámi joatkkaskuvlla bajimuš stivrenorgána. Oahppiráđis lea 1 láhtu skuvlastivrras hállanvuogiatvuodain.

Eará lávdegottit

Oahppit leat ovddastuvvon Ikt-lávdegottis, girjerájušlávdegottis ja kantiinalávdegottis.





Oahppofálaladagat 2023/24

Prográmmasuorggit		Sajit
Oahppospesialiseren	Jo1	22
Media ja gulahallan SR *	Jo1	8
Oahppospesialiseren -gíelat, servodatfágat ja ekonomiiija -realafágat	Jo2	24
Media ja gulahallan SR *	Jo2	6
Oahppospesialiseren -gíelat, servodatfágat ja ekonomiiija -realafágat	Jo3	24
Media ja gulahallan SR *	Jo3	8
Oppalaš studerengelbbolašvuoda lasáhus	Jo3	5
Oppalaš studerengelbbolašvuoda lasáhus manjá fágareivve	Jo3	16
Dearvasvuoda- ja bajásšaddanfága	Jo1	10
Dearvasvuodabargifága	Jo2	10
Ambulánsafága	Jo2	10
Huksen- ja ráhkadusteknihkka	Jo1	7
Huksejeddji	Jo2	7
Teknologiija- ja industriijafága	Jo1	7
Industriijateknologiija	Jo2	7
Oahppisajit oktiibuot		171

*Sámeigiella ja dárogiella oahpahušgiellan

